



(Selo da Corporación)

(Sinatura do Presidente)

Folio N.º

Serie A N.º 2237143

Dende a inauguración da senda da auga, son moitísimas as persoas que van a pasear a pé e máis en bicicleta. E por isto polo que as poucas papeleiras que se atopan ao longo do seu percorrido se enchen con moita frecuencia. A este inconvinte se suma o perigo de ser atropeladas as persoas que van en bicicleta ao pasar nos cruces sen sinalización con camiños e rúas. Poño por exemplo o cruce da senda co camiño de Cidadelle. E por estes motivos é polo que, rogo:

A colocación de sinais de tráfico naqueles cruces con camiños e rúas polos que circulen coches, para evitar o atropelo das persoas que van pola senda en bicicleta. Que se poñan máis papeleiras e se valeiren con máis frecuencia.

Pola Presidencia dase por rematada a presente sesión, sendo as vintedúas horas da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 136 do Papel Timbrado da Comunidade Autónoma de Galicia, Serie A nº 2237136 ata o folio núm.143, Serie A nº 2237143, e todo o que, como Secretaria, DOU FE.-

O ALCALDE

XAIME REI BARREIRO

A SECRETARIA XERAL

ANA BEGONA MERINO GIL

SESIÓN ORDINARIA CELEBRADA POLO PLENO DO CONCELLO O DÍA
24 - NOVEMBRO - 2009

ORDE DO DÍA

- 1.- APROBACIÓN DA ACTA DA ÚLTIMA SESIÓN.
- 2.- ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.
- 3.- RENUNCIA DE D. PLÁCIDO SUEIRO PORTELA Á CONCESIÓN DO QUIOSCO SITO NA ALAMEDA Nº 4-REDONDELA.
- 4.- RECURSO DE REPOSICIÓN DA CONCESIONARIA DO SERVIZO DE AUGA E SANEAMENTO DE REDONDELA CONTRA RESOLUCIÓN DO PLENO DO CONCELLO EN EXPEDIENTE DE RESPONSABILIDADE PATRIMONIAL 17/2008.
- 5.- TRANSMISIÓN DE POSTOS NO MERCADO DE ABASTOS DE REDONDELA.
- 6.- RECURSO DE REPOSICIÓN INTERPOSTO POR D. CARLOS COVELO SOLLA, EN CALIDADE DE PRESIDENTE DA ASOCIACIÓN DE VECIÑOS SAN BERNARDO DE CEDEIRA, CONTRA O ACORDO PLENARIO DE DATA 09.09.09, S/ RESOLUCIÓN ALEGACIÓNS AO PROXECTO DENOMINADO "ABASTECIMENTO DE AUGA A CABANAS, COTAREL E FORMIGA (OH.236.869).

7.- ACTIVIDADE DE CONTROL DO PLENO:

7.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.

7.2.- MOCIÓNS.

7.3.- ROGOS E PREGUNTAS.

ASUNTOS FORA DA ORDE DO DÍA:

DECLARACIÓN INSTITUCIONAL, S/ DÍA INTERNACIONAL CONTRA A VIOLENCIA DE XÉNERO.

Na Casa do Concello de Redondela, sendo as vinte trinta horas do día vintecatro de novembro de dous mil nove, baixo a Presidencia do Sr. Alcalde, D. XAIME REI BARREIRO e a asistencia dos/as Sres./as Concelleiros/as: D. EDUARDO JOSÉ REGUERA OCAMPO, D. EMILIO GONZÁLEZ IGLESIAS, D^a. LAURA LAGO ALLER, D^a. MARIA ALBINA REBOREDO SURIS, D. MANUEL IGLESIAS CARRERA, D. CARLOS GONZÁLEZ FERNÁNDEZ, D. JOSÉ GARCÍA MÍGUEZ, D^a. FRANCISCA CANAL GÓMEZ, D. JUAN TIZÓN CABALEIRO, D. JOSÉ ALBERTO PAZOS COUÑAGO, D. MIGUEL ANGEL ALVAREZ BALLESTEROS, D^a. HERMINDA QUELLE FERNÁNDEZ, DONA. MARIA LORENA LÓPEZ RODRÍGUEZ, D. CÁNDIDO VILABOA FIGUEROA, D^a. LAURA ALONSO GÓMEZ, D. XOSÉ CARLOS PAZOS DOCAMPO, D^a. MARÍA ANXELES BABARRO FERNÁNDEZ, D^a. ROSA MARIA COSTAS ESTÉVEZ e D. ALEJANDRO BASTOS FERNÁNDEZ, tamén asistiu o Sra. Interventora Xeral do Concello D^a. AGUEDA BELLO VALDÉS, actuando como Secretaria a Secretaria Xeral da Corporación DONA. ANA BEGOÑA MERINO GIL, constitúese o Pleno do Concello, en sesión ordinaria, conforme á convocatoria e de acordo coa Orde do Día.

Non asiste, excusando a súa ausencia, o Sr. Concelleiro D. BENIGNO GARCÍA-LUENGO MONTERO.

INCIDENCIAS.-

Con carácter previo ao tratamento dos asuntos incluídos na Orde do Día, a Corporación garda un minuto de silencio en lembranza das vítimas da violencia de xénero.-

A Presidencia declara aberta a sesión, en primeira convocatoria, procedéndose a tratar os puntos da Orde do Día.-

1.- APROBACIÓN DA ACTA DA SESIÓN ANTERIOR.-

Non se formulan observacións, e o Pleno do Concello, en votación ordinaria e por unanimidade dos/as seus membros presentes, sendo vinte votos a favor (8 do PSdeG-PSOE, 8 do PP, 3 do BNG, e 1 do PG), acorda prestar aprobación ao acta da sesión celebrada con carácter ordinario o día 28 de outubro de 2009.-

2.- ACHEGA DE EXPEDIENTES ADMINISTRATIVOS DE MODIFICACIÓN DE CRÉDITO.-

Infórmase dos seguintes expedientes administrativos de modificación de crédito: -

- 16/09, aprobado por Decreto da Alcaldía de data 22 de outubro de 2009, mediante xeración de créditos, por importe de 9.115,78 euros.



(Sinatura do Presidente)

Folio N.º

Serie A N.º 2237144

- 17/09, aprobado por Resolución da Alcaldía de data 22 de outubro de 2009, mediante transferencias de crédito entre partidas pertencentes ao mesmo grupo de función e polo importe de 2.000,00 euros e gastos de persoal polo importe de 1.564,78 euros.

Non se formulan observacións e o Pleno do Concello queda informado dos expedientes administrativos de modificación de crédito anteriormente relacionados.-

3.- RENUNCIA DE D. PLÁCIDO SUEIRO PORTELA Á CONCESIÓN DO QUIOSCO SITO NA ALAMEDA Nº 4 - REDONDELA.-

ANTECEDENTES.-

Vista a proposta do Presidente da Comisión de Facenda e Patrimonio do día 18 de novembro de 2009, que transcrita di:

"Visto o escrito presentado por PLÁCIDO SUEIRO PORTELA no que solicita a renuncia á concesión do quiosco situado na Alameda nº 4.

Vistos os informes obrantes no expediente, e particularmente o emitido polo técnico municipal e pola secretaria do Concello que, transcrito di:

"Emítase o presente a requerimento do Alcalde en relación ao expediente de renuncia á concesión de kiosco formulada por PLÁCIDO SUEIRO PORTELA (en adiante, o concesionario).

1.- O 28.07.2005 formalizouse contrato entre o Concello e o concesionario para a concesión de uso privativo da vía pública mediante a instalación de quioscos.

2.- Do prego de cláusulas económico-administrativas que forma parte do contrato (cláusula 15) dedúcese que cabe a renuncia do concesionario como suposto de resolución da concesión en cuxo caso prevese que a administración abone en todo caso ao contratista o prezo das obras e instalacións que, executadas por éste, pasarán a propiedade daquela, tendo en conta o seu estado e o tempo que restare para a reversión.

3.- Realizada polos servizos técnicos municipais a avaliación das obras executadas, e despois de deducir da mesma uns coeficientes en función do estado de conservación e do tempo transcurrido para a reversión, a cantidade a abonar ao concesionario ascendería a un total de 14.218,56 euros.

4.- Procede dar audiencia ao concesionario aos efectos de que no prazo de dez días manifeste a súa conformidade ou non coa citada valoración antes de pasar o expediente ao pleno do Concello como órgano de contratación, para a súa resolución definitiva".

Considerando que, verificado o trámite de audiencia, polo concesionario non se presentou ningunha alegación, poñéndose de manifesto a súa conformidade coa entrega das chaves do quiosco en cuestión.

Visto o certificado de existencia de crédito emitido pola Interventora, segundo o cal existe crédito axeitado e suficiente na partida 09.622.1C.601.00 do estado de gastos do orzamento para o exercicio de 2009 para facer fronte ao pagamento da cantidade de 14.218,56 euros ao obxecto de dar por rematada a concesión de referencia.

Teño a ben propor ao pleno do Concello, previo ditame da comisión informativa, a adopción do seguinte acordo:

1.- Aceptar a renuncia de PLÁCIDO SUEIRO PORTELA á concesión do quiosco ubicado na Alameda nº 4, procedendo ao seu rescate para o Concello de Redondela.

2.- Abonar ao concesionario a cantidade de 14.218,56 euros, en virtude do previsto na cláusula 15 do prego de cláusulas que serviu de base á concesión, dando por rematada a mesma a todos os efectos.

Votación e dictame.-

A Comisión informativa de Economía, Facenda e Patrimonio, co voto favorable dos/as Sres/as. Concelleiros/as dos Grupos Municipais do PSdeG-PSOE (4), do BNG (2), e a abstención do Grupo Municipal do PP (4), e do PG (1), dictaminou favorablemente a Proposta do Presidente antes transcrita."

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as asistentes, sendo doce votos a favor (8 do PSdeG-PSOE, 3 do BNG, e 1 do PG), e oito abstencións (8 do PP), aprobou, nos seus propios termos, o dictame da Comisión Informativa de Facenda e Patrimonio, nos antecedentes transcrito.-

4.- RECURSO DE REPOSICIÓN DA CONCESIONARIA DO SERVIZO DE AUGA E SANEAMENTO DE REDONDELA CONTRA RESOLUCIÓN DO PLENO DO CONCELLO EN EXPEDIENTE DE RESPONSABILIDADE PATRIMONIAL 17/2008.-

ANTECEDENTES.-

Dictame da Comisión Informativa de Facenda e Patrimonio de data 23 de novembro de 2009, que transcrito dí:

"Vista a proposta do Presidente da comisión de facenda e patrimonio de data 10 de novembro de 2009, que transcrita di:

Visto o recurso de referencia, e visto o informe da secretaria do Concello que, transcrito, di:

"Visto o recurso de reposición presentado por DAVID SONEIRA FERNANDEZ no nome e representación de Redondela UTE, concesionaria xestión integral do servizo de suministro de auga a domicilio e saneamento do municipio de Redondela contra a resolución do pleno do Concello do pasado 09.09.2009 pola que se acordou establecer que correspondía a dita concesionaria a responsabilidade polos danos acaecidos o 02.08.2008 no vehículo Citroen Berlingo matrícula PO 7834 BD propiedade de **Mármoles y Granitos Redondela SL** ao colisionar cunha tapa de sumidoiro á altura da entrada principal do Campo do Choco, o 2 de agosto de 2008 mailos expedientes acumulados das reclamacións efectuadas por **Mª ISABEL MIGUEZ PORTELA e CARLA ABAD ALONSO** en relación aos mesmos feitos.

A requerimento do Alcalde, teño a ben informar o seguinte:

1. O recurso presentado estima que concorre causa de nulidade da resolución do pleno do Concello por falta de fundamentación e conculcación dos artigos 89 da Lei 30/1992 de 26 de novembro de Réxime Xurídico das Administracións Públicas e do Procedemento Administrativo Común (LRXAP) e 13 do RD 429/1993, do 26 de marzo, polo que se aproba o regulamento dos procedementos das administracións públicas en materia de responsabilidade patrimonial (RRP). A asinante considera que no expediente non se conculcou a normativa de aplicación por canto a resolución foi dabondo fundamentada despois de estudar as alegacións presentadas pola concesionaria.
2. A concesionaria reitera os argumentos xa esgrimidos na tramitación do expediente no que se lle deu o correspondente trámite de audiencia, aparte do traslado das correspondentes propostas de sanción co cal carece de fundamento a alegación de indefensión formulada pola entidade recurrente recurrente.



(Selo da Corporación)

(Sinatura do Presidente)

Folio N.º

Serie A N.º 2237145

De feito, non foi o primer incidente que se produxo no mesmo lugar e coa mesma arqueta naquelas datas, como así resultou acreditado no expediente.

3. Por outra banda, coa resolución recurrida o Concello da cumprimento ao previsto no artigo 161 c) do Real Decreto Lexislativo 2/2000 de 16 de xuño aprobando Texto refundido da Lei de Contratos das Administracións Públicas (TRCAP) de aplicación por mor do preceptuado na disposición transitoria primeira, 2 da Lei 30/2007 de 30 de outubro, de Contratos do Sector Público (LCSP) en concordancia cos artigos 121.1 e 123 da Lei 16/12/1954 sobre Expropiación Forzosa e 137 do seu Regulamento dispoño que, en relación aos posibles danos causados pola acción ou omisión das operacións que requira o desenrolo do servizo polos concesionarios, *os terceiros poderán requirir previamente, dentro do ano seguinte á produción do feito, ao órgano de contratación para que este, oído o contratista, se pronuncie sobre a cal das partes contratantes lle corresponde a responsabilidade polos danos* (artigo 97.3 TRCAP). Este pronunciamento, habilita aos reclamantes a solicitar do concesionario directamente o resarcimento dos danos con independencia de que algunha das partes implicadas non estea de acordo coa súa cuantificación, extremo que corresponderá establecer noutro ámbito diferente do presente procedemento no que o Concello limitase a dar cumprimento ao que antecede establecendo a responsabilidade de Redondela UTE nos feitos que deron lugar á reclamación e nas consecuencias que por mor dos mesmos se establezan.
4. É polo que antecede que a asinante considera axustada a dereito a resolución recurrida procedendo o rexeitamento do recurso aos efectos oportunos.
5. O recurso de reposición, ao abeiro do previsto no artigo 117 da LRXAP deberá resolverse e notificarse no prazo de un mes polo mesmo órgano que dictou a resolución recurrida, é dicir, o pleno do Concello".

Teño a ben propor ao pleno do Concello, previo ditame da comisión informativa de Facenda e Patrimonio, a adopción do presente acordo:

Rexeitar o recurso de reposición presentado por DAVID SONEIRA FERNANDEZ no nome e representación de Redondela UTE, concesionaria xestión integral do servizo de suministro de auga a domicilio e saneamento do municipio de Redondela contra a resolución do pleno do Concello do pasado 09.09.2009 pola que se acordou establecer que correspondía a dita concesionaria a responsabilidade polos danos acaecidos o 02.08.2008 no vehículo Citroen Berlingo matrícula PO 7834 BD propiedade de **Mármoles y Granitos Redondela SL** ao colisionar cunha tapa de sumidoiro á altura da entrada principal do Campo do Choco, o 2 de agosto de 2008 mailos expedientes acumulados das reclamacións efectuadas por **Mª ISABEL MIGUEZ PORTELA e CARLA ABAD ALONSO** en relación aos mesmos feitos.

Votación e dictame:

A Comisión informativa de economía, facenda e patrimonio, co voto favorable dos/as Sres/as Concelleiros/as dos Grupos Municipais do PSdeG-PSOE (4) do BNG (2), e o PG (1) e a abstención do Grupo Municipal do PP (4), dictaminou favorablemente a Proposta do Presidente antes transcrita."

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as concelleiros/as asistentes, sendo vinte votos a favor (8 do PSdeG-PSOE, 8 do PP, 3 do BNG, e 1 do PG), aprobou, nos seus propios termos, o dictame da Comisión Informativa de Facenda e Patrimonio, nos antecedentes transcrito.-

5.- TRANSMISIÓN DE POSTOS NO MERCADO DE ABASTOS DE REDONDELA.-

ANTECEDENTES.-

Dictames da Comisión Informativa de Interior, de data 23 de novembro de 2009, que transcritos dín:

"A).- Dada conta da Proposta do Concelleiro de Feiras e Mercados, de data 29 de outubro de 2009, que transcrita dí:

"Vista a solicitude de transmisión da titularidade do posto nº 1 - Adosado da planta baixa do Mercado de Abastos de Redondela, adicado á venda de roupa de confección, asinada por María del Carmen Iglesias Dosantos, con D.N.I. nº 35.944.608-R, e enderezo en San Pedro, nº 147-Cesantes, Redondela, a favor da súa filla Dª. Margarita Pérez Iglesias, con D.N.I. nº 76.987.487-R, e enderezo na rúa Telleira, 5 B, en San Pedro, Redondela.

Visto o título de concesión administrativa do posto mencionado, de data 5 de xuño de 1992.

Acreditado no expediente pola cesionaria que se atopa de alta na Seguridade Social e no IAE e ao corrente dos pagamentos e posúe carné de manipulador de alimentos.

Visto que a cedente e a cesionaria, segundo informe do Servizo de Xestión Tributaria non teñen débedas coa Facenda Municipal.

Á vista de todo o anterior, o concelleiro que suscribe,

Propón á Comisión Informativa competente o seguinte:

Autorizar a transmisión da titularidade do posto nº 1-adosado da planta baixa, do Mercado de Abastos de Redondela, polo tempo que resta dende a súa concesión ao primeiro titular, 5 de xuño de 1992, dando de baixa no mesmo a Dª. María del Carmen Iglesias Dosantos, con D.N.I. núm. 35.944.608-R, a favor da súa filla Dª. MARGARITA PÉREZ IGLESIAS, con D.N.I. nº 76.987.487-R."

Votación e dictame.-

Sometido o asunto a votación, a Comisión Informativa de Interior, en votación ordinaria e por maioría dos/as Sres./as concelleiros/as asistentes, sendo seis votos a favor (3 do PSdeG-PSOE, 2 do B.N.G. e 1 do P.G.), e catro abstencións, (4 do PP), dictaminou favorablemente a Proposta do concelleiro de Feiras e Mercados transcrita, e na súa consecuencia estimou oportuno propoñer ao Concello Pleno, a súa aprobación.-

B).- Dada conta da Proposta do Concelleiro de Feiras e Mercados, de data 29 de outubro de 2009, que transcrita dí:

Vista a instancia presentada por D. Pedro Maestu Martínez, con D.N.I. nº 36.084.164-Q, e enderezo na Praza de Pontearreas, nº 13, Redondela, en data de 12.06.09, en solicitude de transmisión da titularidade do posto nº 12 -cafetería da planta baixa do Mercado de Abastos de Redondela- a favor de Dª. Rebeca Fernández Millán, con D.N.I. nº 77.422.242-X, e enderezo en A Nogueira, nº 33, O Viso, 36810-Redondela.

Visto o título da concesión administrativa do posto mencionado, de data 5 de xuño de 1992, por un periodo de 30 anos.

Acreditado no expediente pola cesionaria que se atopa de alta na Seguridade Social, e no IAE e ao corrente dos pagamentos e posúe carné de manipulador de alimentos.



(Selo da Corporación)

(Sinatura do Presidente)

Folio N.º

Serie A N.º 2237146

Á vista de todo o anterior, o concelleiro que subscribe propón á Comisión Informativa competente, a adopción dos seguintes acordos:

Primeiro. - Transmitir a favor de DONA. REBECA FERNÁNDEZ MIÑÁN, con D.N.I. nº 77.422.242-X, a titularidade do posto nº 12-Cafetería da planta baixa, do Mercado de Abastos de Redondela, polo tempo que resta dende a súa concesión ao primeiro titular, o 5 de xuño de 1992.

Segundo. - Requerir a D. PEDRO MAESTU MARTINEZ, con D.N.I., núm. 36.084.164-Q, o abono das débedas contraídas coa Facenda Municipal."

Votación e dictame.-

Sometido o asunto a votación, a Comisión Informativa de Interior, en votación ordinaria e por maioría dos/as Sres./as concelleiros/as asistentes, sendo seis votos a favor (3 do PSdeG-PSOE, 2 do B.N.G. e 1 do P.G.), e catro abstencións, (4 do PP), dictaminou favorablemente a Proposta do concelleiro de Feiras e Mercados transcrita, e na súa consecuencia estimou oportuno propoñer ao Concello Pleno, a súa aprobación."

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as concelleiros/as asistentes, sendo vinte votos a favor (8 do PSdeG-PSOE, 8 do PP, 3 do BNG, e 1 do PG), aprobou, nos seus propios termos, os dictames da Comisión Informativa de Interior, nos antecedentes transcritos.-

6.- RECURSO DE REPOSICIÓN INTERPOSTO POR D. CARLOS COVELO SOLLA, EN CALIDADE DE PRESIDENTE DA ASOCIACIÓN DE VECIÑOS SAN BERNARDO DE CEDEIRA, CONTRA O ACORDO PLENARIO DE DATA 09.09.09, S/ RESOLUCIÓN ALEGACIÓNS AO PROXECTO DENOMINADO "ABASTECIMIENTO DE AUGA A CABANAS, COTAREL E FORMIGA (OH.236.869).-

ANTECEDENTES.-

Dictame da Comisión Informativa de Medio Ambiente, do día 18 de novembro de 2009, que transcrito dí:

"Pola Presidencia, dase conta da súa proposta de data 13.11.09, que transcrita dí:

En relación co asunto de referencia interpúxose por D. Carlos Covelo Solla, en calidade de Presidente da Asociación de Veciños San Bernardo de Cedeira, recurso de reposición con data 03.11.09, nº 12089 de rexistro de entrada.

O acordo plenario obxecto de recurso fora notificado, segundo figura no rexistro do Servizo de Correos, con data 30.09.09, aínda que o recurrente manifesta ter recibido a notificación con data 01.10.09.

En todo caso, calquera que sexa a data que se tome como referencia, o día no que o recurso foi interposto tñíase esgotado o prazo para facelo, razón pola que, con base na normativa aplicable, o Concelleiro que suscribe debe propor ao Concello Pleno a adopción do seguinte acordo:

Inadmitir o recurso de reposición presentado.

Aberta a votación pola Presidencia, abstéñense os/as representantes do PP (4) e votan a favor o resto dos/as asistentes (7) e na súa consecuencia, queda dictaminada favorablemente a proposta de referencia."



NUMERADO
CORPORACIÓNS
LOCAIS

VOTACIÓN E ACORDO.-

Sometido o asunto a votación, o Concello Pleno, en votación ordinaria e por maioría dos/as Sres./as concelleiros/as asistentes, sendo doce votos a favor (8 do PSdeG-PSOE, 3 do BNG, e 1 do PG), e oito abstencións (8 do PP), aprobou, nos seus propios termos, o dictame da Comisión Informativa de Medio Ambiente, nos antecedentes transcrito.-

7.- ACTIVIDADE DE CONTROL DO PLENO:

7.1.- DAR CONTA DE RESOLUCIÓNS DA ALCALDÍA E CONCELLEIROS DELEGADOS.-

O Concello Pleno queda informado do contido das Resolucións da Alcaldía e dos Concelleiros Delegados dende o día 23 de outubro ao 18 de novembro de 2009.-

7.2.- MOCIÓNS.-

Non houbo mocións a tratar neste punto da Orde do Día.-

7.3.- ROGOS E PREGUNTAS.-

A concelleira D^a. Laura Alonso Gómez, formula a seguinte pregunta:

"Cada 9 de novembro celébrase un acontecemento histórico moi importante para a democracia: A caída do muro de Berlín, sendo este ano festexado tal feito con máis ímpeto se cabe, xa que se tratou do XX aniversario.

Tendo en conta que Redondela posúe dúas pezas de dito muro, pezas que, por certo, se atopan nun estado de deterioro lamentable, colocadas onde ninguén repara nelas, e tratadas como se fosen dúas pedras sen valor, pregunto:

¿Por que razón non se fixo ningún acto conmemorativo da caída do Muro de Berlín na nosa Vila tendo en conta que contamos con dúas pezas do mesmo cun alto valor histórico?.

O concelleiro D. Cándido Vilaboa Figueora, formula o seguinte rogo:

Diversos veciños con domicilio nas inmediacións da Estrada campo de fútbol de Redondela, veñen trasladándonos a súa preocupación ante as circunstancias que están producindo na súa veciñanza, que a continuación enumero:

1. Estado deteriorado do seu pavimento.
2. Muros que están derribados.
3. Accidentes de tráfico e peóns.
4. Xestionar con *TELEFÓNICA* a retirada dos postes que están no medio da rúa.

ROGO: Con motivo dos antecedentes existentes na zona, o grupo popular roga ao señor Alcalde que xestione con *TELEFÓNICA* a retirada dos postes que están no medio da zona anteriormente mencionada na estrada do campo de fútbol.



(Selo de Corporación)

(Sinatura do Presidente)

Folio N.º

Serie A N.º 2237147

Que se proceda a subsanar o mal estado da estrada campo de fútbol, por que dita estrada da servizo ás instalacións deportivas do campo de Santa Mariña e á parroquia de Cesantes.

ASUNTO FORA DA ORDE DO DÍA:

Logo da declaración de urxencia, acordada en votación ordinaria e por unanimidade dos/as Sres./as concelleiros/as asistentes, sendo vinte votos a favor (8 do PSdeG-PSOE, 8 do PP, 3 do BNG, e 1 do PG), tratou o asunto seguinte:

DECLARACIÓN INSTITUCIONAL S/ DÍA INTERNACIONAL CONTRA A VIOLENCIA DE XÉNERO.-

O Sr. Alcalde da lectura á seguinte declaración:

"25 DE NOVIEMBRE DE 2009, DÍA INTERNACIONAL CONTRA A VIOLENCIA DE XÉNERO

O 25 de novembro de 1960 foron brutalmente asasinadas as irmás Mirabal (activistas políticas dominicanas), por orde directa do ditador dominicano Rafael Trujillo. Para lembrar este feito no ano 1999 declarouse o 25 de novembro Día Internacional da violencia contra as mulleres.

A violencia de xénero é un problema de primeira orde, un drama social e unha intolerábel vulneración dos dereitos fundamentais das mulleres, e na súa erradicación deben implicarse tanto o conxunto dos poderes públicos como a sociedade en xeral.

Nos últimos anos téñense dado pasos importantes, a nivel legal, para avanzar na igualdade:

O 17 de xullo de 2007 o Parlamento galego aprobou, por unanimidade, a Lei Galega de Prevención e Tratamento Integral da Violencia de Xénero. É unha lei que, por primeira vez considera a violencia de xénero dende unha perspectiva integral e recoñece dereitos para as mulleres que vivan unha situación de violencia no ámbito económico e social. Ademais, esta norma amplía os recursos sociais a todas as mulleres, con independencia de que contén cunha orde de protección ou non.

Esta Lei prevé a creación do Observatorio Galego da Violencia de Xénero, un órgano institucional da Xunta de Galiza que ten por obxecto encargarse do estudo, avaliación e seguimento das políticas de violencia de xénero. Unha medida importante coa finalidade de contar con organismos e persoal especializado que permita facer unha análise sostida no tempo sobre a efectividade das medidas tomadas neste terreo e, consecuentemente, mellorar a eficacia das políticas desenvolvidas e dos recursos que se adican a esta finalidade.

Estes e outros aspectos do texto legal quedan aínda por desenvolver, así como outras medidas que é necesario que se continúen impulsando para que teñan eficacia, como son as relacionadas coa sensibilización social ou a formación de todas e todos os profesionais en ámbitos relacionados, directa ou indirectamente, contra a violencia de xénero.

A erradicación da violencia contra as mulleres ten que ser unha prioridade de calquera goberno, por iso é preciso que o goberno galego destine os recursos necesarios para impulsar as medidas que permitan rematar con esta lacra social.

Cada 25 de novembro hai unanimidade de toda a sociedade para reivindicar a igualdade e a xustiza, máis esta unanimidade tense que facer efectiva todos os días do ano. É por isto que nós, homes e mulleres do Concello de Redondela, declaramos:



NUMERADO
CORPORACIÓNS
LOCAIS

O noso compromiso firme e activo para loitar contra a violencia de xénero.

O noso compromiso de reclamar ao goberno galego que destine os recursos necesarios e o cumprimento das disposicións legais vixentes.

Só actuando conxuntamente, poderes públicos e sociedade, conseguiremos avanzar na igualdade.

INTERVENCIÓNS.-

A concelleira señora Canal Gómez dí que estas cuestións deberíanse consensuar previamente nunha comisión informativa e non presentarlles a asinar unha declaración xa redactada polo PSOE e o BNG. Considera que non é de recibo que fagan estas declaracións de intencións que se quedan soamente niso, en intencións, e que asemade é lida polo Alcalde a pesar de ter mulleres no equipo de goberno. Por outra banda denuncia que non se reúne a comisión da muller dende hai anos e que non existe no Concello unha política activa de axuda ás mulleres, senón unhas cantas accións puntuais sen contar coas asociacións de mulleres activas en Redondela. Dí que non se fai unha programación coherente de cursos de formación para as mulleres ao longo do ano e non lle parece que se estea facendo nada efectivo por parte da concellería da muller mais aló de accións que son cáse de beneficiencia.

A concelleira señora Costas Estévez dí que teñen feito un curso importante e homologado oficialmente para 26 mulleres e se está traballando na liña das necesidades que propoñen as propias mulleres. Por outra banda, parécelle normal e procedente que sexa o Alcalde o que presente a declaración institucional xa que é a máxima autoridade do Concello.

A concelleira señora Canal Gómez insiste en que non lle parece nada especial dito curso e se deberían organizar programas de formación máis regrados e serios.

O concelleiro señor González Iglesias dí que a voceira do PP reclama que non sexa un home o que faga a declaración pero nun organismo no que está él mesmo e a señora Canal, cando unha deputada socialista propuxo que se fixera unha declaración institucional optaron porque se fixera na xunta de voceiros, na que non hai ningunha muller.

VOTACIÓN E ACORDO.-

Sometido o asunto a votación, o Concello Pleno, en votación ordinaria e por unanimidade dos/as Sres./as concelleiros/as asistentes, sendo vinte votos a favor (8 do PSdeG-PSOE, 8 do PP, 3 do BNG, e 1 do PG), aprobou, nos seus propios termos, a declaración institucional anteriormente transcrita.-

A concelleira López Rodríguez pide que se lle responda a unha pregunta que formulou no pleno anterior, respondéndolle o Sr. Alcalde que o farán no vindeiro pleno.-


Pola Presidencia dase por rematada a presente sesión, sendo as vinte horas e corenta minutos da data fixada no encabezamento, en proba de todo o que, se estende a presente acta, que se inscribiu no Libro dende o folio núm. 143 do Papel Timbrado da Comunidade Autónoma de Galicia, Serie A nº 2237143 ata a volta do folio núm.147, Serie A nº 2237147, e todo o que, como Secretaria, DOU FE.-

O ALCALDE



XAIME REI BARREIRO

A SECRETARIA XERAL



ANA BEGOÑA MERINO GIL